



სსიპ საქართველოს შსს აკადემია

სატენდერო დოკუმენტაცია

სასმელი წყლის შესყიდვა გამარტივებული ელექტრონული ტენდერის საშუალებით

CPV - 41110000

დაფინანსების წყარო - 2017 წლის სახელმწიფო ბიუჯეტი.

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2. ელექტრონულ ტენდერთან დაკავშირებული დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია. ამასთან, ქართულენოვან ტექსტში უცხოენოვანი სიტყვ(ებ)ის გამოყენების შემთხვევაში კომისია უფლებამოსილია იმსჯელოს აღნიშნული სიტყვ(ებ)ის ტექნიკურ დოკუმენტაციასთან შესაბამისობის თაობაზე.

1.4. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5. პრეტენდენტის მიერ მექანიკური შეცდომის დაშვების შემთხვევაში, როგორცაა არასწორი ჯამის ან ნამრავლის მითითება, სიტყვიერი და ციფრობრივი გამოსახულების შეუსაბამობა, შესაძლებელია შესწორდეს დაზუსტების გარეშე, ერთეულის ფასის უპირატესობის პრინციპის გათვალისწინებით, მხოლოდ იმ პირობით თუ აღნიშნული არ აღემატება სისტემის შესაბამის ველში დაფიქსირებულ საბოლოო ფასს.

1.6. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7. იმ შემთხვევაში თუ სატენდერო დოკუმენტაციაში შესყიდვის ობიექტის ტექნიკური და ხარისხობრივი მაჩვენებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებული არის „მსგავსისა“ და „ექვივალენტურის“ მნიშვნელობით და პრეტენდენტი ვალდებულია წარმოადგინოს ტექნიკური დოკუმენტაციით განსაზღვრული შესყიდვის ობიექტის მსგავსი ან ექვივალენტური მახასიათებლების მქონე საქონელი/მომსახურება.

1.8. ვინაიდან პრეტენდენტისათვის სატენდერო წინადადების წარმოდგენა დასაშვებია მხოლოდ ეროვნულ ვალუტაში - ლარში, ხელშეკრულება გაფორმდება ლარში. შესაბამისად, ხელშეკრულების უზრუნველყოფის გარანტია წარმოდგენილი უნდა იქნას ეროვნულ ვალუტაში - ლარში საბანკო (კომერციული ბანკი) ან სადაზღვევო დაწესებულებიდან. საავანსო გარანტია წარმოდგენილი უნდა იყოს მხოლოდ საბანკო (კომერციული ბანკი) დაწესებულებიდან. უცხოური ბანკებიდან საბანკო გარანტიების წარმოდგენის შემთხვევაში მათთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიების საფუძველზე საქართველოში აკრედიტირებული საბანკო დაწესებულებების მიერ გაცემული „კონტრ გარანტიები“ (ლარში). საბანკო გარანტიები და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი).

1.9. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადისა და ხარჯების გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

1.10. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.11. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, წერილობითი მიმართვის შემთხვევაში. ამასთან, სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, გმირი კურსანტების ქუჩა N4, მე-3 სართული. საკონტაქტო პირი: მეგი ქადაგიძე 558 282818; ტექნიკურ საკითხთან დაკავშირებით ავთანდილ ქათამაძე 599 858302.

2. ტექნიკური დოკუმენტაცია:

2.1. შესყიდვის ობიექტის ტექნიკური დავალება:

#	დასახელება	აღწერილობა	განზ	რაოდენობა
1	არაგაზირებული ნატურალური მინერალური წყალი ან/და წყაროს წყალი	სასმელი წყალი (19 ლიტრიან ბალონები) დისპენსერისთვის.	ცალი	2500

2.2 შემოტანის დროს საქონლის ვარგისიანობის ვადა უნდა იყოს არანაკლებ მისი ვარგისიანობის მთლიანი ვადის 70%-ისა.

2.3 ხელშეკრულების მოქმედების პერიოდში 19 ლიტრიანი პლასტმასის ბალონები შემსყიდველს გადაეცემა უსასყიდლოდ, დროებით სარგებლობაში, ყოველი ახალი პარტიის მიწოდებამდე.

2.4 მომწოდებელი ვალდებულია შემსყიდველ ორგანიზაციას დროებით სარგებლობაში (ხელშეკრულების მოქმედების ვადის ამოწურვამდე) უსასყიდლოდ გადასცეს 30 ცალი სათანადო ხარისხის 2 რეჟიმიანი (ცხელი, ცივი) წყლის დისპენსერი (პორტერი). დისპენსერების მიწოდება უნდა განხორციელდეს შემსყიდველი ორგანიზაციის ტერიტორიაზე ხელშეკრულების გაფორმებიდან 3 (სამი) სამუშაო დღის ვადაში.

2.4.1 უსასყიდლოდ გადმოსაცემი 30 ერთეული დისპენსერი შესაძლებელია იყოს როგორც სრულიად ახალი (გამოუყენებელი), ასევე ექსპლუატაციაში ნამყოფი, თუმცა მუშა მდგომარეობაში. ამასთანავე დროებით სარგებლობაში გადმოცემული დისპენსერების ექსპლუატაციისას, მათი მწყობრიდან გამოსვლის შემთხვევაში, მიმწოდებელი ვალდებული იქნება საკუთარი სახსრებით დაუყოვნებლივ უზრუნველყოს დისპენსერის შეცვლა ან შეკეთება.

3. შესყიდვის ობიექტის სავარაუდო ღირებულება:

3.1. შესყიდვის სავარაუდო ღირებულება შეადგენს: 15000 (თხუთმეტი ათასი) ლარ ს, (დღგ-ს გათვალისწინებით).

3.1.1 პრეტენდენტი, რომელიც არ არის დღგ-ის გადამხდელი, სატენდერო წინადადება უნდა წარმოადგინოს დღგ-ის გათვალისწინებით, ხოლო, სახელმწიფო შესყიდვის შესახებ ხელშეკრულების გაფორმებისას, აღნიშნული გადასახადი (18%) დააკლდება მის მიერ დაფიქსირებულ სატენდერო წინადადების საბოლოო ღირებულებას.

3.2. შესყიდვის ობიექტის თავისებურებიდან გამომდინარე, საქართველოს ბაზარზე ოპერირებად არაერთ კომპანიას შეუძლია შემსყიდველს კონკურენტუნარიან ფასში შესთავაზოს სატენდერო დოკუმენტაციით განსაზღვრული შესყიდვის ობიექტი. აღნიშნულის გათვალისწინებით, კონკურენციის გაზრდისა და ხელსაყრელი ფასის მიღების მიზნით, სახელმწიფო შესყიდვების საგენტოს თავჯდომარის 2011 წლის 07 აპრილის N9 ბრძანების მე-9 მუხლის 1¹ პუნქტის საფუძველზე, ფასწარმოქმნის ადეკვატურობის დამადასტურებელი დოკუმენტი წინამდებარე ტენდერში არ მოითხოვება.

4. შესყიდვის ობიექტის მიწოდების ვადა და ადგილი:

4.1.1. მიწოდების ვადა: მიწოდება განხორციელდება ეტაპობრივად (შემსყიდველის მოთხოვნიდან 2 სამუშაო დღის ვადაში), ხელშეკრულების გაფორმებიდან 2017 წლის 31 დეკემბრის ჩათვლით.

4.1.2. მიწოდების ადგილი: ქ. თბილისი, გმირი კურსანტების ქ. №4

5. სატენდერო წინადადების ფასი:

5.1.1. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადისა და ხარჯების გათვალისწინებით

5.1.2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

6. ანგარიშსწორების პირობები:

6.1. დაფინანსების წყარო - 2017 წლის სახელმწიფო ბიუჯეტი

6.2. ანგარიშსწორების ფორმა - უნაღდო.

6.2.1. შემსყიდველი იღებს ვალდებულებას აუნაზღაუროს მიმწოდებელს საქონლის ღირებულება ეტაპობრივად ხელშეკრულების გაფორმებიდან 2017 წლის 31 დეკემბრის ჩათვლით, ყოველი კონკრეტული საქონლის მიწოდებიდან კანონმდებლობის შესაბამისად ანაზღაურებისათვის საჭირო დოკუმენტაციის წარმოდგენიდან და მიღება ჩაბარების აქტის გაფორმებიდან 10 სამუშაო დღეში.

6.3 საავანსო ანგარიშსწორება არ გამოიყენება.

6.4 ხელშეკრულების უზრუნველყოფის საბანკო ან/და სადაზღვევო გარანტია: არ გამოიყენება;

7. პრეტენდენტის მიერ ერთიან ელექტრონულ სისტემაში ასატვირთი მონაცემები:

7.1. ფასების ცხრილი დანართი N1-ის მიხედვით (მისაწოდებელი საქონლის მწარმოებელი ქვეყნის, მწარმოებელი კომპანიის და ტექნიკური მახასიათებლების მითითებით);

7.2. რეკვიზიტები დანართი N2-ის მიხედვით;

7.3 წარმოება სერტიფიცირებული უნდა იყოს ISO-ს სტანდარტების შესაბამისად (ატვირთულ იქნას ერთიან ელექტრონულ სისტემაში ISO 9001:2008 და ISO 22000:2005 სერტიფიკატები);

7.4 საქართველოს ბაზარზე მსგავსი საქმიანობის მინიმუმ 1 (ერთი) წლიანი სამუშაო გამოცდილების შესახებ ინფორმაცია, რომელიც დადასტურებული იქნება შესაბამისი დოკუმენტებით (ხელშეკრულებები შესაბამისი მიღება-ჩაბარების აქტებით ან/და საგადასახადო ანგარიშგაქტურები).

7.5 დღგ-ის გადამხდელად რეგისტრაციის შესაბამისი დოკუმენტი ან ასლი (პრეტენდენტის დღგ-ის გადამხდელად რეგისტრაციის შემთხვევაში უნდა აიტვირთოს სისტემაში);

7.6 პრეტენდენტის მიერ სისტემაში ატვირთული დოკუმენტები ხელმოწერილი და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ.

8. დამატებითი ინფორმაცია:

8.1. პრეტენდენტს არ აქვს უფლება წარმოადგინოს ალტერნატიული სატენდერო წინადადება.

ხელშეკრულების პროექტი

(კონკრეტული პირობები დაზუსტდება სატენდერო წინადადების შინაარსის გათვალისწინებით)

ხელშეკრულება სახელმწიფო შესყიდვის შესახებ №

წინამდებარე ხელშეკრულება დაიდო ერთი მხრივ **სსიპ საქართველოს შსს აკადემია**, (მის: ქ. თბილისი, გმირი კურსანტების ქუჩა N4, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 209467628) (შემდგომში „შემსყიდველი“), წარმოდგენილი მისი _____ სახით და

მიმწოდებელი:

საიდენტიფიკაციო კოდი:

მისამართი, ტელეფონი:

დირექტორი:

საბანკო რეკვიზიტები:

ორივე ერთად შემდგომში წოდებული როგორც „მხარეები“ ვხელმძღვანელობთ რა საქართველოში მოქმედი კანონმდებლობით, გამარტივებული ელექტრონული ტენდერის (SPA-----) ჩატარების შედეგად ვდებთ სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.1.3. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას (დაწესებულებას), რომელიც ახორციელებს შესყიდვას;

1.1.4. "შემსრულებელი" ნიშნავს პირს, რომელიც ახორციელებს საქონლის მიწოდებას სახელმწიფო შესყიდვის შესახებ მოცემული ხელშეკრულების ფარგლებში;

1.1.5. "დღე", "კვირა", "თვე" ნიშნავს კალენდარულ დღეს, კვირას, თვეს.

1.1.6. „ტექნიკური დოკუმენტაცია“ - შემსრულებელის მიერ SPA----- გამარტივებული ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვს ხელშეკრულებას, როგორც მისი განუყოფელი ნაწილი.

1.2. მოცემულ ხელშეკრულებაში გამოყენებული ტერმინები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.

2. ხელშეკრულების საგანი

2.1 შსს აკადემიის მიერ _____ შესყიდვა.

3. შესყიდვის ღირებულება

3.1 ხელშეკრულების ღირებულება: _____ ლარი.

3.2 ხელშეკრულების ღირებულება მოიცავს, როგორც შესყიდვის ობიექტი ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დღგ-ს.

4. მხარეთა ვალდებულებები და პასუხისმგებლობა

4.1. შემსრულებელი იღებს ვალდებულებას მიაწოდოს შემსყიდველს ----- ხელშეკრულების პირობებისა და დანართი №1-ის შესაბამისად.

- 4.2. შემსყიდველი იღებს ვალდებულებას აუნაზღაუროს შემსრულებელს ხელშეკრულების ფასი ხელშეკრულების პირობებში ასახულ ვადებში და ფორმით.
- 4.3. მიმწოდებელი ვალდებულია დაუყოვნებლივ გამოასწოროს შემსყიდველის მიერ აღმოჩენილი ხარვეზი.

5. ხელშეკრულების მომედების ვადა

- 5.1. წინამდებარე ხელშეკრულება ძალაშია ამ დოკუმენტის თავში მითითებული თარიღიდან და მოქმედებს 2018 წლის ____ ჩათვლით.

6. შესყიდვის ობიექტის მიწოდების წესი, ვადები და ადგილი

- 6.1. მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით, დანართი N1-ით განსაზღვრული ვადების შესაბამისად.
- 6.2. შესყიდვის ობიექტის ტექნიკური მახასიათებლები და ხარისხი ერთდროულად უნდა შეესაბამებოდეს ამ ხელშეკრულებისა და შემსყიდველის მიერ განსაზღვრულ ტექნიკურ პირობებს და პარამეტრებს.
- 6.3. შესყიდვის ობიექტის მიწოდება განხორციელდება ეტაპობრივად (შემსყიდველის მოთხოვნიდან 2 სამუშაო დღის ვადაში), ხელშეკრულების გაფორმებიდან 2017 წლის 31 დეკემბრის ჩათვლით.
- 6.4. შესყიდვის ობიექტის მიწოდების ადგილია: ქ. თბილისი, გმირი კურსანტების ქუჩა №4

7. ხელშეკრულების შესრულების კონტროლი

- 7.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 7.2. ხელშეკრულების შესრულების კონტროლს განახორციელებს შესაბამისი უფლებამოსილი პირ(ებ)ი (ინსპექტირების ჯგუფი) კერძოდ, შსს აკადემიის_____.
- 7.3. შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.
- 7.4. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით ან/და ზეპირსიტყვიერი ფორმით აცნობებს მიმწოდებელს წუნდების მიზეზების მითითებით.
- 7.5. იმ შემთხვევაში, თუ შემოწმების შედეგად დადგინდება მიწოდებული საქონლის ხარისხის შეუსაბამობა ამ მუხლით გათვალისწინებულ სტანდარტებთან, მიმწოდებელი ვალდებულია გამოასწოროს წუნი გონივრულობის ფარგლების გათვალისწინებით უმოკლეს ვადაში.
- 7.6. შემსრულებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

8. შესყიდვის ობიექტის მიღება-ჩაბარების წესი

- 8.1. შესყიდვის ობიექტის გადაცემა დასტურდება მხარეთა უფლებამოსილი წარმომადგენლების მიერ ხელმოწერილი, კანონმდებლობით დადგენილი შესაბამისი დოკუმენტაციის (მიღება-ჩაბარების აქტი) გაფორმებით.
- 8.2. მიღება-ჩაბარებას ახორციელებენ სათანადოდ უფლებამოსილი პირი - კერძოდ _____

9. ანგარიშსწორება

- 9.1. შემსყიდველი ვალდებულია აანაზღაუროს შესყიდვის ობიექტის ღირებულება ხელშეკრულებით გათვალისწინებულ ვადაში და პირობებით.
- 9.2. ანგარიშსწორების ფორმა იქნება უნაღდო.
- 9.3. ანგარიშსწორება მოხდება ლარებში;
- 9.4. ანგარიშსწორება შემსყიდველის მიერ მოხდება საქონლის გადაცემის შემდგომ, მიღება-ჩაბარების აქტის ხელმოწერის, შესაბამისი საგადასახადო ანგარიშ-ფაქტურის გამოწერისა და წარმოდგენის შემდეგ არაუგვიანეს 10 სამუშაო დღის ვადაში;
- 9.5. თუ შემსყიდველის მიერ ხელშეკრულებით განსაზღვრული ფაქტობრივად მოწოდებული საქონლის ღირებულებამ არ შეადგინა წინამდებარე ხელშეკრულებით გათვალისწინებული სრული თანხა, შემსყიდველი გადაუხდის მიმწოდებელს ფაქტიურად მოწოდებული საქონლის ღირებულებას. აღნიშნულიდან გამომდინარე, შემსრულებელი კარგავს მოსაწოდებელი საქონლის ანაზღაურების მოთხოვნის უფლებას.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით ან/და ზეპირსიტყვიერად შეატყობინოს მეორე მხარეს შესაბამისი ინფორმაცია.

10.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, "სახელმწიფო შესყიდვების შესახებ" საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა გათვალისწინებით.

10.4. ფასის გაზრდა შესაძლებელია საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.5. ხელშეკრულების პირობების ნებისმიერი ცვლილება უნდა გაფორმდეს ორმხრივად ხელმოწერილი წერილობითი დოკუმენტის შედგენით.

10.6. ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

11. ხელშეკრულების პირობების შეუსრულებლობა

11.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად და მოთხოვნილი ხარისხის შესაბამისად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

11.2. ფორს-მაჟორული პირობების გარდა, შემსრულებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების პირობების ამ მუხლში.

11.3. თუ შემსრულებელი ხელშეკრულებით გათვალისწინებულ პირობებს ვერ შეასრულებს (მიწოდების ვადა, ხარისხი) ან/და დაარღვევს კეთილსინდისიერების პრინციპს, შემსყიდველი უფლებამოსილია:

ა) შეწყვიტოს წინამდებარე ხელშეკრულება და შემსრულებელი ხელშეკრულების არაჯეროვანი შესრულებისათვის დააჯარიმოს ხელშეკრულების საერთო თანხის **10%-ის** ოდენობით ან

ბ) ხელშეკრულების დანართი N1-ით განსაზღვრული შესყიდვის ობიექტის მიწოდების, ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილების შემთხვევაში, მიმწოდებელს ყოველ ვადაგადაცილებულ დღეზე დააკისროს პირგასამტეხლო ხელშეკრულების ღირებულების **0.2%-ის** ოდენობით.

გ) თუ კი პირგასამტეხლოს ოდენობა მიაღწევს ხელშეკრულების საერთო ღირებულების 5% და იგი ვერ განახორციელებს შესყიდვის ობიექტის სრულად მოწოდებას და/ან არ გამოასწორებს აღმოჩენილ ხარვეზს (ასეთის არსებობის შემთხვევაში) შემსყიდველი უფლებამოსილია შეწყვიტოს წინამდებარე ხელშეკრულება.

11.4. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) შემსრულებლის გაკოტრების შემთხვევაში;

გ) თუ მისთვის ცნობილი გახდება, რომ შემსრულებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

12. ხელშეკრულების მოქმედების ვადა

12.1. წინამდებარე ხელშეკრულება ძალაშია ამ დოკუმენტის თავში მითითებული თარიღიდან და მოქმედებს 2018 წლის _____ ჩათვლით

13. ფორს-მაჟორი

13.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარმო სანქციების გამოყენებას.

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1. შემსყიდველმა და შემსრულებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. თუ მოლაპარაკების შედეგად მხარეები გონივრულ ვადაში ვერ შეძლებენ სადავო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია მიმართოს სასამართლოს.

15. სხვა დებულებები

15.1. ხელშეკრულება შედგენილია ქართულ ენაზე ორი თანაბარი იურიდიული ძალის მქონე იდენტურ ეგზემპლიარად. ერთი ეგზემპლიარი განკუთვნილია მიმწოდებლისთვის, ხოლო მეორე – შემსყიდველისთვის.

15.2. ხელშეკრულება ძალაში შედის ხელმოწერისთანავე.

შემსყიდველი: /

მიმწოდებელი: /

ფასების ცხრილი

№	დასახელება	აღწერილობა/ტექნიკური მახასიათებლები	რ-ბა	განზ.	ერთ. ფასი	საერთო ფასი დღგ-ს ჩათვლით	მიწოდების ვადა	მიწოდების ადგილი	მწარმოებელი ქვეყანა/კომპანია
1	არაგაზირებული ნატურალური მინერალური წყალი ან/და წყაროს წყალი		2500	ცალი			მიწოდება განხორციელდება ეტაპობრივად (შემსყიდველის მოთხოვნიდან 2 სამუშაო დღის ვადაში), ხელშეკრულების გაფორმებიდან 2017 წლის 31 დეკემბრის ჩათვლით.	ქ. თბილისი, გმირი კურსანტების ქ. №4	

შენიშვნა: პრეტენდენტის მიერ დაზუსტებულ ფასების ცხრილში დაფიქსირებული პროდუქციის ერთეულის ფასი არ უნდა აღემატებოდეს მის მიერ თავდაპირველად, სატენდერო წინადადების ფასების ცხრილში დაფიქსირებულ ერთეულის ფასს

პრეტენდენტის ხელმოწერა

ბ.ა.

1. პრეტენდენტის რეკვიზიტები	
პრეტენდენტის იურიდიული ფორმა და დასახელება	
ხელმძღვანელის სახელი, გვარი	
პრეტენდენტის იურიდიული ან/და ფაქტიური მისამართი	
საიდენტიფიკაციო კოდი	
პრეტენდენტის ტელეფონის ნომერი	
მომსახურე ბანკის დასახელება	
ბანკის კოდი	
ანგარიშსწორების ანგარიში	
ელექტრონული მისამართი	

პრეტენდენტის ხელმოწერა

ბ.ა.